古典文學 佳作 許蕣紘 筆名 西虹

個人簡介:中山大學中國文學系碩士班一年級

西子灣文學獎一行詩佳作

清平集

清平樂 秋懷三首

之一

花殘翠減,水色流光豔。對景書箋秋緒感,裁暮汲霞點染。 金風悄入疏窗,飛霞又滿紅牆。臨案錦書誰寄,黃昏又惹思量。

之二

之三

深秋緒亂,恰似煙絲漫。倦倚銀欄輕把盞,對景言懷醉淺。 軟風吹落殘霞,晚潮盡洗鉛華。山嶺輕裁雲絮,飛過院宇天涯。

清平樂 祖母仙逝百日,兒孫盡歸,誦經共聲思念,故記之。

清茶香案, 梵唄聲聲漫。欲許思情傳彼岸, 人隔黃泉難斷。 初冬遊子歸鄉, 同堂不復悲涼。形寄靈前煙縷, 人間天上茫茫。

清平樂 記貳零壹伍年終夕日

浮光瀲灩,殘日長天歛。一曲新詞書荏苒,翦暮裁雲抒感。 閒吟對詠餘暉,有情細 數潮歸。記取年年今日,霞飛碧落無回。

清平樂 好友佐佐木自日本歸,夜飲海畔,暢所欲言,不知時也。

雨餘夜半,同醉寒潮岸。千里嬋娟情不斷,雲月浮光相伴。 西灣畔飲言舒,笑談唯 恐華胥。相見不知何夕,三更殘夜須臾。 清平樂 冬夜驟寒,偕研所同窗對爐淺酌,賓主盡醉,醉感鄉懷,故記之。

清平樂 友人修業期滿歸鄉,夜宴餞別,記之念茲。

依依敘別,對飲傷冬節。回首前塵同負笈,從此只餘風月。 今宵寄語灣頭,何時再 對觴籌?問取重逢何處,來年當約紅樓。

清平樂 行旅過嘉義故居

沐雨行旅,漫漫諸羅路。試問繁華今幾許,年少欲尋何處。 前塵回首茫茫,故鄉卻 是他鄉。悵對晚街殘照,當時只道尋常。

清平樂 寄二二八前人

荒煙野草,魂染斜陽道。霧血飄零瑰麗島,莫白沉冤顏老。 天光依約初明,難望往 昔征程。記取前人顏色,不忘藍縷英靈。